

阿文成公年譜

阿文成公年譜卷三十二

受業

王 昶勘定

盧蔭溥增脩

第三孫那彥成恭纂

乾隆五十二年丁未七十一歲

四月初八日

命署正黃旗蒙古都統

二十一日

命充殿試讀卷官

五月初八日

上幸避暑山莊

命留京辦事

十一日

命教習庶吉士

六月二十六日

諭曰前據蘭第錫畢沅奏黃河水勢異漲南岸睢州下沉十三堡於六月初九日寅刻隄工漫水二十餘丈分瀆不過二三分本日據蘭第錫等奏稱漫口漸次場寬已掣溜六七分十八十九二十等日大雨傾注北風大作河水復又增長大溜全注口門正河存水僅止一分現

在催趙承辦之員竭力上緊堵築等語是睢州下汎十
三堡已成決口大溜全掣不可無重臣前往督辦阿桂
於堵築事宜屢經任使素爲諳練呼應較靈著卽馳驛
前往睢州工次熟籌妥辦並卽自京起程毋庸前來行
在請訓

七月十九日

諭曰現在睢州下汎十三堡黃水漫溢已命阿桂前往河
南會同蘭第錫等商辦堵築事宜因思蘭第錫等前奏
漫口漸次塌寬大溜全注口門正河存水僅止一分等
語是大溜全掣正河此時早已斷流固應相度機宜趕

緊堵築但近年大河溜勢日趨於南以致南岸堤工倍形著重今該處李六口引渠前經蘭第錫等開放時據稱刷去舊土山六七十丈則所開引渠較爲得勢或從此可引溜北趨未必非極好機會現在正河旣經斷流何不趁此時將李六口引渠再行挑挖倍加寬深將來睢州十三堡堵合後俾大溜順勢逼入李六口引渠形勢旣爲徑直且可引溜北趨南岸隄工不致著重豈不甚善其舊土山旣經衝刷七八十丈土性自鬆亦應趁此斷流之時將未經衝刷者全行剗去使將來合龍之後溜勢直趨去南岸益遠更當暢順得力再南河雲檢

關外海口淤高曾經阿桂李世傑等酌量情形將二套地方開挖引河嗣經開放未能得力現據李世傑等奏洪澤湖自豫省睢州十三堡漫溢之後由淮入湖日漸加長現將束清禦黃兩壩全行啟拆俾由清口暢出歸海並將山盱五壩全行開放此時黃河全係清水等語洪湖水勢既經異漲自應卽令由二套引河歸海但前此所開二套引河較窄若能挑挖深通並照原擬堆築子堰之處一律展寬俾資容納而引河頭亦可展向西首於就下之勢較屬順當使河內清水順注由二套引河入海卽可宣洩湖水或能將二套引河漸加衝刷走

成熟路則將來豫省合龍大溜仍歸正河之後清黃淮
合竟可從二套引河下注歸海更爲便捷倘溜勢未能
全行逼入或再於三套舊走地方酌量建築攔黃壩一
道約攔水勢使大溜全趨二套引河自更得力已於二
圖內皆用硃筆標誌此亦先事豫籌之一法朕偶因想
及隨時指示其是否可以如此辦理之處著傳諭阿桂
等於抵工後會同蘭第錫等熟籌妥辦

七月二十日

諭曰常青於勦捕事漫無主見不得把握朕轉增南顧之
憂恐竟不能蕪事現已諭福康安迅速前來行在面授

機宜馳往督辦矣阿桂素諳軍旅其意以爲何如著抄
寄閱看卽就所見據實覆奏

二十三日

公偕蘭第錫畢沅奏言臣阿桂奉

命前赴豫省督辦堵築睢州十三堡漫口事宜於本月初

二日自京起程十五日行抵工次當卽會同臣蘭

第錫臣畢沅逐加履勘該處西首漫口業已掛淤

斷流現在大溜全由東首漫口下注緣時值大汛

上游疊次漲水以致口門刷寬幾有二百餘丈黃

水至此勢成入袖不便仍就隄頭進占辦理自應

在外就厓岸築隄建壩進占堵合臣阿桂再四察

看臣蘭第錫等所定壩基形勢尙順且漫口以內

卽係四十九年二堡漫水時黃流故道自堵閉以

後曾經受淤隄外地勢高於隄內不過數尺此次

漫水仍循故道而出流行不甚湧急形勢旣定辦

理似尙易蒞功其東西圍隄臣蘭第錫臣畢沅已

調派府廳州縣分段承辦因初十一等日連遇

陣雨隄工不免隨築隨隄日來天氣開霽往後雨

水漸少可以趕築完竣至將來壩工東首最爲喫

緊是以臣蘭第錫等將東隄頭退讓三十餘丈創

槽盤護擬俟兩壩壩基盤竣現在溜勢側重東岸
應先於東壩進占不使灘面再有塌寬其西壩亦
酌進數占做至水深處所再察看情形以次進做
所需料物於各工抽撥舊料而附近早種高粱已
有收割者亦可隨時購買目下大工甫舉需料無
多所有現到之料足資應用本年豫省秋成豐稔
新穡麻蕪卽日曾律登場轉瞬白露晴霽日多各
處道路乾燥料物源源運送臨期必能應手不致
遲誤至此次引河係在河身內順勢抽挑雖不至
如四十九年估辦土方之多但該處究係新河一

時恐未能衝刷寬深且河南土性鬆浮鑿壓埽工
不得不就近取土必須正河去路暢順庶堤工不
至著重臣阿桂未到睢州以前臣蘭第錫臣畢沅
已派員估挑計自河頭新築土壩以東直至商邱
河尾止估挑引河連抽挑引溝共長九千七百六
十丈共土一百八十餘萬方此次估計係按現在
大河水面及從前河底比較測量將來開放引河
可以過水七尺委係應辦之工業經酌委州縣六
十餘員分段承辦並先令挑出十丈子溝一道掣
放水平庶地勢以次就下啟放時大溜可以暢順

直達所估土方亦俟子溝挑竣應行加寬時再爲
斟酌增減核實辦理此時大河溜勢緊靠引河頭
坐灣仰蒙

皇上硃筆標識於西壩進占斜向東北接築挑水俾大溜
逼歸正河將來啟放時引河掣溜必更得力兩壩
自易於堵合臣阿桂與臣蘭第錫等惟有遵照

指示機宜督率在工文武員弁妥協辦理於催趨之中仍
寓慎重務期壩工步步穩實引河節節疏通一舉
蒞功上抒

聖主廑念奏入

諭曰此次漫口卽係舊時黃河故道內地勢相去不過數尺辦理當易爲力所估挑挖引河自應如所奏辦理前因想及蘭陽李六口引渠開放時將舊土山刷去較爲得勢曾諭令阿桂等會同商酌或將李六口引渠再行挑挖寬深將來漫口堵合後可以引溜北趨使南岸堤工不致著重今阿桂等估挑引河雖在李六口引渠下游但李六口引渠前此原因蘭陽十四堡埽工險要而設今旣經開放得勢自亦應再加挑挖使將來大溜順勢逼入引河相離南岸稍遠是亦保護隄工之一法不知辦理及此否仍著阿桂等酌量情形是否可以次

第施工之處熟籌妥辦據實覆奏

二十九日

公奏言臺灣西臨大海東憑大山大山之東係生番居住爲人民所不到迤西之麓則現爲賊匪占據官兵進剿勢須仰攻無由察其虛實而賊衆居高臨下且其中如水沙連虎仔坑斗六門等處南北在在可通是以伺官兵之隙前邀後截四出滋擾若徒發兵堵禦則官兵不敷分派惟有將緊要地方如郡城諸羅鹿仔港等處先爲駐兵防守再選可戰之兵二三萬擣其巢穴惟臺灣現有兵丁

除分守府城等處外爲數無多且其中亦少可用之兵勢不得不增添兵力現奉

旨令福康安前往督辦應令先行通盤籌畫臺灣現有兵丁若干尙須添兵若干及檄調何省兵用之得力或竟調慣於跋涉山路之黔楚兵各一萬合之粵兵萬餘兵力充裕賊必指日授首奏入得

旨俟其到時自當詳酌

八月初九日

諭曰據藍元枚奏追剿西螺賊匪情形一摺雖非大勝亦可稱兵威稍振現在各處添調之兵已經齊到著抄寄

阿桂閱看卽就所見詳悉覆奏

二十二日

公奏言酌擬厚集兵力設法進攻奏入報

聞

二十五日

諭曰常青等辦理臺灣勦捕事宜因循遲誤今福康安馳往督辦所有福康安兩次原摺抄寄阿桂閱看阿桂更事甚多其意以爲何如並著卽據所見覆奏

九月初七日

公奏言酌擬大兵進勦似宜扼其要害不必拘於

一路當分路前進使賊人左支右絀庶易掃穴擒渠

諭曰阿桂酌籌臺灣事宜一摺已令福康安迅速前進悉心調度鼓勵將弁以振兵威而寒賊膽所有各摺及先後諭旨仍抄寄阿桂閱看

九月初七日

公偕蘭第錫書麟畢沅奏言引河工程業有十之八九初十以前總可一律完竣如估驗收大河瀆勢本由引河頭坐灣下注臣等恐水落歸槽瀆勢或有更變因將西壩迤上

硃筆指示之挑水壩趕緊鑲做挑溜北趨現做出六十餘丈察看大溜直逼引河頭該處河涯日見塌卸測量內外已有就下之勢將來壩工收窄水勢蓄高其挑水壩又接長做出必更得力至兩壩口門上月中旬具奏時存寬已在一百丈以內臣等畱心察看大河水勢自秋分以後雖已不見增長而水力尙未甚減此次東壩著溜較重必得層土層柴追填到底而西壩迴溜亦大亟須盤壓堅實不使稍畱罅隙庶合龍時可期穩固連日兩壩又做出三十餘丈此時口門存寬不過六十餘丈現仍相

機進做一俟霜降後水力稍綿卽分投趕進埽箇
晝夜加工不使口門收窄時衝刷過深而就目前
情形九月以內似可歲功奏入

諭曰佇候合龍佳音

十八日

諭曰李侍堯奏援應諸羅一摺計此時福康安自可卽日
前往諸羅合兵進擣所有各摺並所降諭旨抄寄阿桂
閱看至豫省漫口前經阿桂奏霜降後水力漸綿卽可
趕緊歲功何日堵築合龍之處據實覆奏以慰屢念

二十七日

公奏言勦捕事目下總以打通諸羅爲要使官兵
聲勢聯絡相機勦辦奏入

諭曰節經降旨令福康安速由鹿港前往諸羅與柴大紀
會合攻勦所有各諭旨一併抄寄阿桂閱看

十月初二日

公偕蘭第錫書麟畢沅奏言九月二十三日晚間
北風大作至二十四日一晝夜不止二十六日又
連夜北風水勢全向金門湧送堆高臣等飭令工
員倍加小心進做二十七日東壩復下埽箇金門
存寬三丈餘尺俟迨壓到底長高壩臺卽日掛纜

合龍詎金門收窄兼之連日北風水力猛悍壩前水深原止三丈餘尺至二十七日卽深至五丈西壩下首迴溜尤大臣等督飭工員分投鑲壓料土雲集無如隨鑲隨蝥至二十八日寅刻西壩壩臺陡陷搶鑲不及衝失兩埽並往後掣去坯鑲數層此時口門計走失並原存共寬不過十餘丈而引河溜勢東注似尙無虞淤墊但因水勢驟掣一時不能乘舟細加探量現將壩頭裹住俟口門水勢畧緩卽設法探試如河底平淨可以施工立卽趕緊進做臣等斷不敢因壩工稍有衝塌卽生長縮

之見奏入

諭曰待之數日早虞有此祇可盡人力以俟

天神之佑勉爲之

十月初二日

諭曰阿桂等奏豫省睢州壩工因二十四五等日北風大作水力猛悍壩前水深五丈西壩下首迴溜尤大分頭鑲壓無如隨鑲隨蝕西壩壩臺陡陷搶鑲不及衝失兩埽並往後掣去坯鑲數層現將壩頭裹住俟水勢畧緩卽設法趕緊進做等語已於摺內批示前據阿桂等奏引河開放順利壩工於二十六七兩日可以合龍乃待

至數日尙未奏到朕正慮口門收窄或致塌陷之事今因連日北風水勢全由金門湧送堆高致塌工復有蟄陷合龍又未免稍稽時日幸衝塌不過十餘丈引河滙勢暢達無虞淤墊施工尙易爲力阿桂等惟當督率在工各員俟水勢畧定卽上緊設法鑲做務宜下埽追壓到底工程穩固以祈

天神之佑尅日合龍副朕軫念河防至意仍卽將數日內口門水勢及鑲做情形隨時覆奏以慰屢注

初五日

公偕蘭第錫書麟畢沅奏言前西壩走失埽箇

臣

等督令在工員弁立將埽後掣去坯鑲處所趕緊
紫鑲現已鑲做完整打量埽前水勢雖覺刷深尙
無高下懸殊及河底不淨之處俟壩臺長高卽於
初二三日進下埽箇引河於二十八日壩工衝塌
時溜勢漸掣未免平緩二十九日金門水勢稍定
引河卽暢順東注至三十日引河下游除底水九
尺外復長水二尺流行迅駛掣溜約有五分向後
兩壩多進一埽引河卽可多添一分之溜合龍以
前大溜仍可全掣歸入引河金門現寬十丈餘尺
豫省土性浮鬆水深四五丈尙係

神靈默佑所致殫竭人力層土層柴總可追壓到底慎重
前進計算亦不過十日之功奏入

諭曰好佇聽佳音速奏來

又

諭曰本日據恆瑞奏帶兵前抵鹽水港聞知魏大斌蔡攀
龍到諸羅後賊匪仍將道路阻梗現在必須將鹽水港
各處附近賊匪剷除淨盡始能進兵前往諸羅等語所
有昨日今日所降諭旨及恆瑞柴大紀各摺一併抄寄
阿桂閱看阿桂於軍機之事素所熟諳就現在情形而
論如有所見卽當據實覆奏至豫省漫工昨據阿桂奏

約於二十六七日可以掛纜合龍日內可以蒞功竣事
佇盼佳音

又

諭曰本日據福康安奏到商辦情形所見尙得要領著抄
寄阿桂閱看伊意以爲何如卽就所見據實覆奏

初七日

公奏言計福康安到廈門蚶江一帶揚帆逕渡兵
力宜先於鹽水港等處廓清後路再飭官兵由大
甲溪尅期夾攻庶可得手奏入

諭曰據阿桂奏籌辦臺灣勦捕賊匪情形一摺所見與朕

畧同現已將一切機宜詳悉指示福康安辦理仍將本
口奏到之摺并諭旨抄寄阿桂閱看至漫口何日合龍
佇俟佳音之至

十一日

公奏言酌議官兵打通諸羅或由鹿港直攻大里
棧賊巢或另分一路由虎仔坑據高臨下夾攻庶
我軍俱得聲勢奏入報

聞

十五日

公偕蘭第錫書麟畢沅奏言睢州十三堡漫工

等於初四日兩壩復各進一埽金門收窄水勢湍急異常兩壩上首邊埽先後陡蝨幾與水平而西壩壩身亦屢經蝨陷臣等督飭工員立時搶鑲幸未走失初六日亥時東壩又忽平蝨十餘丈壩頭出水原高一丈八尺者出水僅有四尺臣等督令工員連夜搶鑲隨鑲隨蝨晝夜不遺餘力初九日始定南壩鑲做高厚金門存寬三丈餘尺而引河自初六以後連日長水又值南風吹送大溜全行掣入流行如駛臣等察看必須乘機亟行堵合隨於初十日掛纜合龍仰賴

天神嘉佑

皇上洪福天氣晴和人夫踴躍料土雲集至十二日金門以上業經漸次停淤伏查此次堵築漫口荷蒙

聖明指示於西壩迤上建築挑水壩一座挑涌北趨該工共做長一百六十餘丈極爲得力是以九月二十
八日西壩衝失埽箇後引河金未淤墊嗣金門收
窄大涌仍全行掣入雖南壩連次陡蟄金門內水
深七丈以外幾經危險而竭力搶鑿幸保無虞得
以合龍歲事臣等慶幸之餘倍深欽佩至大壩連
壩臺共長一百九十餘丈寬十二丈已屬寬厚其

上下首邊埽亦經連接鑲做足資防護現在祇須
於壩後趕澆土餞金於壩內跌塘以下由東西灘
上接築土壩一道以爲重門保障此外無須籌辦
善後工程再臣阿桂卽於十三日起程回京復

命奏入

諭曰阿桂等奏河南睢州十三堡漫工晝夜鑲築於初十
日掛纜合龍至十二日金門以上業經漸次停淤等語
以手加額覽之此次睢州漫口命阿桂等前往會同蘭
第錫等上緊堵築嗣因兩壩水勢湍急屢經墊陷阿桂
等督令在工各員連夜搶鑲不遺餘力得以尅期蒞事

阿桂蘭第錫畢沅書麟均著交部議叙其餘在工出力
大小文武員弁著蘭第錫畢沅查明具奏交部分別議

叙

恭錄

御製詩

大學士阿桂等奏報睢州隄工合龍詩以誌慰

蘭陽引澗奠三年

河南儀封北岸曲家樓於辛丑七月决口後屢經堵築未就嗣允阿桂等所奏

於青龍岡迤上自蘭陽至商邱添築南隄一道開挖引河以擊正河大潘乃於癸卯三月合龍至甲辰八月睢州汛二堡新堤雖偶有蟄陷而大溜未掣旋即堵築歲功是河南自癸卯至丙午三泮之中黃河實爲順軌瀕河居民共

欣安

今歲時行隄復穿

今歲大雨時行黃河異漲據河臣蘭第錫等奏六月下旬睢州十三

堡原無埽工處開口至二百餘丈大濬全注口門仍由四
十五年及四十九年漫水經由寧陵商邱一帶繞道至亳
州歸入自媿治河無善策惟屢歸壑免災延重臣特遣緣
淮河

心篤諸吏同勤勉力宣兩盼佳音幸獲一仍希瀛海捷音

連睢州漫溢後於七月初卽令阿桂前往會同蘭第錫等

啟熟籌堵築并令於西壩上建築挑水壩挑濶北趨庶於

可以竣事茲據阿桂等奏到督令員晝夜搶鑲於本月初

初十日掛纜合龍至十二日金門以上業經漸次停淤工

程實爲穩固覽奏深爲慶慰惟是數月以來盼望臺灣勦

捕及睢工堵築兩處佳音宵旰縈懷今合龍之信已得而

逆匪林爽文等尙未就擒刻下立冬以後海風已順福康

安海蘭察等當已前抵鹿仔港所調之四川貴州等省大

兵亦可相繼渡海惟冀上蒼眷佑速擒逆首平定

海疆捷音隨到以紓鼓望耳

二十二日

諭曰據李世傑等奏勘估臨湖風損磚石各工內高堰山
盱揚河揚糧等廳屬估需工料銀二十餘萬兩又於揚
糧廳屬三溝閘逸下創築西隄一道估需銀二萬餘兩
請就近於淮揚關庫撥項興修等語本年豫省隄工漫
溢江南下游各工全無險要處所雖洪澤湖承受豫省
漫溢稍覺旺盛衝塌隄口甚小不過三四處隨卽堵合
何致磚石各工俱行塌卸估修如許之多且三溝閘逸
下一帶從前全無隄岸該處民田廬舍向來作何保障
目下何又亟欲築隄恐係江南本年黃河工程平穩工
員等無可開銷藉此修理隄工爲影射冒銷地步亦未

可定現在德成前往浙江查勘海塘經由江省原可卽
派伊順道閱看但伊於工程雖爲諳習而於河務情形
究未熟悉又復自是多事茲豫工業經告竣阿桂昨已
回京起程著傳諭阿桂接奉此旨不必來京卽由該處
馳往江南會同李世傑等將高堰山圩等工是否在保
固限外其揚糧揚河各工是否應行修補之處確切覆
勘其西岸三溝閘迤下是否應需添築西壩之處難以
懸斷亦著阿桂一併查明據實具奏隄工原爲保護民
生如果有必應修築之處朕豈肯靳惜帑金不行修辦
倘所奏各工無關緊要徒爲工員影射冒銷地步自應

據實奏明停止辦理所有李世傑等奏請動撥淮揚關庫一節阿桂查若應辦卽照所請與撥咨部知之其李世傑等原奏及圖樣著一併抄寄阿桂閱看

二十三日

諭曰昨據李世傑等奏勘估臨湖風損磚石各工又請於三溝開迤下剝築西壩一摺已降旨諭令阿桂卽於途次前往會同李世傑等確切履勘矣本年高郵邵伯一帶因洪澤湖受豫省漫水稍覺旺盛衝塌堤口磚石各工或間有塌卸該督等奏請勘估修補尙屬事之所有阿桂到彼勘明如果實係風浪撞擊工段殘缺必須興

工修築自應覈實辦理然其間尙應查明保固弗保固之別至該督等所奏三溝開迤下創築西堤一道似可不必該處從前本無隄岸凡遇水長年分民田廬舍亦俱保護無虞何以此時忽議添築且一經添建隄工則每年卽須有歲修等事尤易啟工員冒濫支銷之漸况建築隄工原以防水勢漫溢而今歲高郵邵伯一帶漫溢之處俱有隄岸則三溝開迤下卽添建隄工恐仍屬有名無實不可不切實查勘妥爲覈辦此事德成現赴浙江看視海塘原欲令順道閱看但德成於工程雖爲熟悉而於河務情形究未諳悉且素性偏執不足服衆

若令前往伊以爲不應添建外人未免疑其有心迎合而朕亦卽慮其有此若伊以爲應須添建朕又不能深信阿桂於河工素爲諳練今往履勘如係不應興工據實奏明可以折服衆論倘以爲必應添建朕亦可以無疑是以必須阿桂查勘方得確實但阿桂甫由豫省工竣起程今又中途派往現在正值寒冷之候往來跋涉朕心深爲軫念著賞御用貂尾暖冠一頂以示體恤阿桂到彼務須將該處各工應否修建之處會同李世傑等詳悉履勘據實具奏

二十四日

諭曰前因東省運河有大修小修之例本年曾經發帑興挑自當毋庸再行疏濬已節次降旨諭令蘭第錫等會同將該處運河及支幹各河詳加履勘今據長麟奏於二十日自省城赴臨清會勘等語現在阿桂前往江南查看臨湖磚石隄工經由東省著傳諭阿桂自行酌量或卽順道前往該處先將曹濟一帶運河逐加察勘或於查辦江省隄工事竣回程時到彼履勘亦無不可但蘭第錫等此時業已在臨清會齊阿桂卽由直隸順赴該處先行會同伊等將運河及支幹河渠詳細履勘是
否一律深通無須興挑抑間有停淤尙應酌量疏濬之

處查明確實具奏所有節次寄蘭第錫等諭旨及奏到各摺抄寄阿桂閱看再昨據曾吉保奏到帶領官兵援應諸羅於九月十六日在麥仔寮與賊匪打仗得勝收復笨港各情形朕心稍慰著將曾吉保原摺並所降諭旨一併抄寄阿桂閱看

二十五日

公奏言本月二十三日保定途次接奉

上諭以李世傑等奏勘估臨湖風損磚石各工令臣馳赴會勘查隄工原爲保護民生如果必應修築

皇上從不稍存靳惜若無關緊要豈容工員等從中影射

冒銷今李世傑等所奏各工內高堰山盱揚河揚糧四廳磚石工段是否被風浪擊損應行修理無難一目了然其保固年分已未滿限亦皆有冊可稽至三溝閘迤下一帶從前全無隄岸民間田園廬舍作何保障目下何以又須創築西隄臣於二十四日卽由保定取道河間府前赴江南容俟到彼確切履勘再行據實具奏奏入

諭曰山東運河應挑與否亦當查辦

十一月初十日

公奏言臺灣賊匪勢已窮蹙酌擬廣爲招徠善良

向義勦撫金用分別辦理奏入報

聞

十一日

命提訊安徽太湖縣民婦胡氏費氏控告監生李盛廷串
通縣役刑逼伊夫詹國楚身死事

公偕蘭第錫長麟和琳奏言

臣

阿桂接奉

諭旨令於前赴江南勘工之便順赴東省運河會勘查核
確實具奏

臣

行抵東省當卽取道於沿河一帶會

同

臣

蘭第錫等詳細履勘緣東省運河韓莊及江

境邳宿等處俱以微山湖爲水櫃從湖口雙閘而

出專濟韓莊迤南運道至韓莊迤北係資汶水由南旺分水口而出兼濟南北其南旺塘河因分水口之水自各山而下源源不絕又該處地勢最高上下兩閘啟閉尤嚴每歲停淤甚厚而汶水北流一遇衛河水長不能抵禦倒灌入口臨清塘河亦易受淤且每年秋汛內山泉出運水挾沙行如濟寧彭口暨大泛口等處每發水一次則淤墊一次非加挑挖重運經臨慮致淺阻而限期急迫所設額夫不敷分挑不得不募夫挑辦此運河大小挑之所由設也本年運河一帶雨澤優沾曹單支幹

各河疏濬深通微山湖收水已逾定制湖口雙關
出水較大奔騰下注雖以大泛口等處素號沙壘
難挑亦因微湖水勢暢達大資滌刷河淤較少而
汶泗諸水來源旺盛臨清塘河既未倒灌濟寧塘
河亦停淤甚薄臣等復湖查運河水大之年挑工
必少如乾隆四十六年豫省曲家樓漫口時濟寧
以南水勢浩瀚四十七八兩年內卽未經興挑本
年運河水既充裕無虞淺澁自未便仍照向例大
挑致滋浮冒臣蘭第錫前與阿桂言及此事今臣
等復奉

旨會同查勘臣等再四勘度必得及時挑挖庶明年無碍
運行查向遇大挑之年除將額夫儘數調派挑挖
尙須動用銀一萬七千二百餘兩今止將南旺鼓
口二處確切估計於額夫分挑之外實需用銀三
千六百二兩零比向年少用銀一萬三千六百餘
兩所有挑夫工價仍照向例交地方州縣召募承
挑官員亦無稍冒濫至南旺所築大隄係在運河
東岸分水口之內蓋冬令以前汶水正資濟運不
能多爲收蓄是以必俟回空全過濟寧方可於分
水口內築壩收入蜀山馬踏等湖以備春間開壩

鋪水之用金於春夏汶水稍有弱時宜放以資接濟該湖水誌以一丈一尺爲率現在湖水較定誌高二尺四寸是該壩藉以截取汶水原非專爲挑工而設自應仍行堵築况每年堵壩興工之時已及深冬守凍之候維時不煞壩舟楫亦不能行走臣蘭第錫等現復派員於沿河上下曉諭各船戶上緊趲行儘數趕出關河俟臨清北河凍合之時再行築壩不致稍有阻碍奏入

諭曰諸凡皆妥依議行

二十五日

公偕李世傑李奉翰奏言前臣李世傑等奏估修高堰及臨湖風損磚石各工金於三溝開迤下創築西隄一摺奉

旨令

臣

阿桂馳赴江南會同

臣

李奉翰確切履勘

臣

阿桂

於十一月初十日渡黃勘得高堰山盱揚河揚糧四廳所屬臨湖磚石工程殘缺塌卸處所甚多而揚糧一廳因湖水滙注下游該處西岸隄工係屬頂衝不但磚石椿木多致衝失無存卽石後尾土金經汕刷缺陷其東岸磚石工段亦間有掣卸察看兩岸居民房屋水痕并詢之濱湖人民僉稱本

年夏秋湖水大漲六七八等月復連遇西北風暴是以臨湖磚石工段多被撞擊殘損等語隨將各廳營估銀工段逐一丈量所開場卸尺寸層數均相符合其高堰山盱二廳工程曾於乾隆四十五年改磚爲石間段興修該工已在保固限外嗣後惟五十一年擇要修補一次所修之工高堰止七十丈山盱一廳二百九丈五尺此內現共塌卸四十三丈因保固未滿業經臣李奉翰等著落原辦之員賠修至揚河揚糧二廳磚石段落年久未修本多殘損五十一年又值湖水盛漲碰磕坍塌亦

會擇要修補所修之工揚河一廳止三百四十三丈揚糧一廳止七十三丈三尺此內現共塌卸三十七丈七尺亦經臣李奉翰等著落賠修凡賠修之工均已於請修冊內開除臣等覆加稽核實無影射浮冒情弊應請照臣李奉翰等原奏卽行派員分段承辦限於明春桃汛以前一律報竣俾資抵禦至三溝開逸下添建西隄一事臣李奉翰等因此兩年湖水盛漲該處河湖相連汪洋一片車邏南關等壩旣未便輕啟而運河東岸隄工又在在卑薄邵伯一帶民居稠密一遇風浪鼓盪尤覺

可虞是以擬於三溝閘迤下添建西壩十五里俾東隄有所攔護庶可不致受險今臣阿桂到彼會同再四察看目下邵伯對岸灘面全已涸露是該處地勢本高在水小之年固無需隄工攔束若湖水漲發自當使之暢洩方不致壅遏爲患伏思湖水必以漸而長邵伯以下歸江之路不遠水勢本可以隨長隨消然遇異漲消少長多尙至拍岸盈隄茲若添建西隄橫加攔截湖水必致蓄高口愈窄則力愈猛西隄一有疎虞東隄亦難保守恐潰決尙不止此在臣李奉翰等原議時將各支港水

口畱出不築本亦爲湖水分洩之路但各水口共寬不過四十丈究不及現在十五里之廣濶足以暢消臣等公同面商僉虛心體察上年秋汎以前高堰誌椿原存底水四尺六寸迨伏秋大汎長至一丈五尺六寸維時高寶諸湖因正值五十年乾旱之後底水本小而車邏等壩又全行啟放是以此一帶隄岸未至衝決今年高堰誌椿伏汎前原存底水五尺九寸迨伏秋大汎長至一丈三尺三寸又有豫省漫水滙注洪澤湖由五壩分洩而高寶諸湖底水復大車邏等壩未經啟放是以三溝

聞誌椿長至一丈九尺水勢不能速消邵伯上下隄工遂至著重此兩年連值盛漲原非常有之事且湖水蓄高亦足爲患似不如仍循其舊較爲穩妥應將創建西隄之處竟行停止奏入

諭曰高堰等處隄工既經阿桂勘明俱係擇要修補自應照李世傑等原奏卽行派員分段承辦限於明春桃汛以前一律報竣以資抵禦至三溝閘迤下添建西隄一事前據李世傑等奏到朕卽以該處從前本無隄岸凡遇水漲年分民田廬舍亦俱保護無虞此項隄工似可毋庸添建當經降旨令阿桂詳悉查勘今據阿桂勘明

具奏以該處若添建西隄橫加攔截盛漲時必至湖水蓄高口愈窄則力愈猛西隄一有疎虞東隄亦復難保恐潰決尙不止此等語是添建西隄實屬毋庸辦理之事看來竟係李奉翰輕信屬員之言遽議添建爲藉端冒銷地步此等情節不能逃朕洞鑒也再昨據海祿叅奏奎林各款豈可復膺伊犁將軍重任但奎林與阿桂同在金川一處有年今如此行爲實出意料之外將來如果實訊得實朕亦不能以其曾經出力稍存寬縱阿桂意以爲何如據實奏聞勿得稍存迴護

恭錄

御製詩

命大學士阿桂往河南踏勘應修各工及不必新築之隄上奏到詩以誌事

禹貢無隄字行其無事所已成那容廢本無奚用瑣河臣
欲增隄意以爲弗可重臣命往勘練事老成妥補舊信皆
當增新議相左前閱李奉翰所奏請佑修高堰及臨湖風
隄一摺予卽擬添建西隄事不可行因命阿桂馳赴江南
會同確勘據實具奏茲據阿桂奏高堰山旰揚糧揚河四
廳所屬臨湖磚石工程毋損處所甚多金將未滿保固各
工段逐一按册勘驗除照所請分段承修至添建西隄
尙無影射浮冒情弊自應照所請分段承修至添建西隄
之處察看目下邵伯對岸灘面全已涸露是該處地勢本
高在水小之年固無須隄工攔束若湖水漲發方將使之
暢洩若更添建西隄十五里橫加攔截湖水必至蓄高卽

使如原議將各支港水口畱出不築然各水口寬不過四
十丈究不及十五里之廣濶水口愈窄則水勢愈猛西隄
一有疎虞東隄亦難保守應請湖中那施工取土勞負荷
停止建築繪圖貼說頗爲明晰而取土取石必於他處
予以爲李奉翰卽欲就高處築隄而不築隄同而夏時盛漲
其費不貲况云畱出支港則又與不築隄同而夏時盛漲
反致壅水潰隄設值夏漲時蓄水虞致禍其見實達理諒
實不可行也

非將順義向著知過論類此弗爲哿岸大比修建隄塘必附
欲於湖中建築長隄施工旣難而橫中攔截湖水蓄高轉
以滋害阿桂老成練達所奏於事理甚明金非將順予意
而爲此強詞也予向著知過論謂工作之不可已者當仍
酌行之介於可已不可已之間者率已之而已如所奏估
修高堰及臨湖風損磚石各工所謂修廢發湮有關國政
是皆不可已者至剝築西隄不惟可已且慮有害則河臣
之請更覺而予更思之此事如觀火河臣意別屬蓋請南
無謂耳

巡舸西隄之不應築事本易明河臣何至冒昧陳奏度其
意不過藉隄成之日可以奏請南巡冀邀恩澤不知

予自辛未至甲辰敬法皇祖六度南巡所有海塘河工無不籌度詔諷得宜而後行是以遲之又遲且南巡之事談何容易必克已無欲以身率先而千乘萬騎體大役衆俾皆循法不擾然後可以行所無事一不如此未可易言已詳見甲辰南巡記中今予六次南巡之典已成可弗再舉乃河臣等意存揣摩甚不能深體予意矣

記義示明申詠鑿揣摩

同日

公奏言

臣前奉

諭旨所有李世傑等奏請動借淮揚關庫一節阿桂查若應辦卽照所請與撥咨部知之欽此仰見

皇上屢念要工一經核實卽准動項俾得及時趨辦

臣阿

桂現遵

旨會同確勘除三溝開迤下停止添建西隄外其修理高
堰山盱揚河揚糧臨湖磚石各工共需銀二十三
萬三千餘兩已札知淮揚兩關先行預備俟奉
硃批允准卽就近撥用奏入報

聞

十二月初五日

諭曰據阿桂奏秉公覈議奎林一摺海祿所叅奎林各款
以奎林酒醉肆行尙屬事之所有至受賄入已一節稍
有疑似奎林果係婪贓入已海祿業經將奎林叅劾豈
有不乘勢刻查以實其前奏今許久未見續叅看來自

屬疑似但奎林究屬性躁醉後肆行毀棄佛像并索取
罪人銀兩修工金未具奏此卽伊之罪也伊犁係新疆
總匯且通外藩部落凡蒙古部落敬重佛法如此性情
豈可復任將軍尙奎林尙無婪贓入己等弊當從寬以
家法示懲作爲藍翎侍衛令其効力贖罪金非尊重佛
教將伊辦理過甚也著傳諭阿桂知之

十一日

諭曰據工部奏覆核李奉翰等題報黃運兩河各處漫工
堵築用過工料錢糧內司家莊等處漫工例多用銀七
萬七千二十一兩零殊屬不合請著落該督等及承辦

各員賠繳此次南河司家莊等工非若豫省堵築漫口大工可比卽水勢湍迅需用物料緊急較之尋常歲修搶修自未免稍有加增亦當定有限制况乾隆十八年以來成案可循似非創見著將工部原摺發交阿桂閱看卽將所駁情節詳悉查明有無浮冒等弊據實具奏再行交部核辦如查無弊端嗣後南河如有堵築工程所用物料如有加價總當以歷年辦過成案核定數目爲準不得再有加增以杜浮冒亦屬可行將此諭令知之

二十六日

公奏言臣接奉

諭旨令查核工部議駁司家莊工程一摺臣查黃河漫口非運河可比其堵築時不得不多調兵夫晝夜趕辦飯食燈燭在所必需且從前俱准銷有案其多用繩橛以及蔴價加增之處詢因司家莊開工較早購運稍難又該處河湖相連水勢湍急所下埽箇全賴多加繩橛以期穩固亦屬實在情形伏思近年物價增長皆在

聖明洞鑒之中而堵築漫口當水深湏急工程喫緊之際進占下埽所用繩橛有較定例多至數倍者此臣

在豫省節次目擊卽江省歷屆堵築漫口如老壩口等處係高晉等所辦其報銷冊內亦曾聲明繩纜畱概各項逾限多用是此次司家莊報銷冊係循照成案辦理誠如

聖諭似非創見况老壩口工長僅八十九丈共銷銀十一萬一千三百餘兩司家莊工長二百九十二丈共銷銀十六萬八千九百餘兩以丈尺銀數互相比較尙屬有減無增臣確加查核尙無浮冒情弊所有多用銀兩現議著賠應候

諭旨遵行外至堵築工程需料緊迫較之尋常歲搶各修

原不免隨時酌增然江省土性堅實與豫省到處
沙土鬆活者不同豈容相率援引致滋流弊自當
查照本省成案定以限制查江省自乾隆十八年
以來堵築漫工如張家馬路韓家堂陳家道口老
壩口郭家渡等處均有例外請銷銀兩自五萬至
二三萬不等張家馬路多用銀五萬一千餘兩係
奏明全行認賠其餘如韓家堂陳家道口老壩口
郭家渡報銷除賠四之外逾例請銷銀皆不過二
萬二千餘兩及二萬六千餘兩應請嗣後該省如
有堵築工程或遇物價本昂期限緊迫或如老壩

口之頂衝迎溜水勢湍悍或如司家莊之河湖相連風浪掀播實有必需例外多用之物准該督等豫行奏明於報銷時據實開報除賠四外總以二萬二千餘兩爲率毋許再有加增其尋常口岸仍不得引以爲例奏入

命軍機大臣會同工部議奏

同日

公奏言臣屢於清口遇遞臺灣文報知大兵直抵諸羅殺賊解圍廓清道路并節次奉到抄寄

諭旨奏摺始得備悉該處剿賊情形

諭曰阿桂奏福康安在嘉義縣解圍殺賊開通道路進攻
斗六門屢次得勝一摺福康安於攻克斗六門卽統兵
直搗大里棧賊巢亦經福康安奏到惟賊首林爽文又
逃入內山昨據孫士毅奏到據稱林爽文於十二月初
十日前已就生擒其信自當確實但尙未據福康安奏
報倍爲焦切阿桂審案完竣業已起程著將節次所降
諭旨及孫士毅奏摺一併抄寄令阿桂在途閱着

公又遵

旨奏柴大紀功罪情形

諭曰據奏柴大紀功罪情形一摺此案柴大紀種種款蹟

福康安等雖未奏明近提訊任承恩據供大概情形多係屬實應俟福康安李侍堯詳悉查明據實叅奏到日再行核辦

二十九日

公奏言審明太湖縣民婦胡氏等聽唆誣控卽於二十九日拜摺後起程回京復

命奏入

命刑部議奏

是年孫那彥瞻擢

乾清門侍衛